

72. Auszug

Konstanz, 1299. März 19.

Propst Konrad von St. Johann und Ritter Marquard von Schellenberg auf Seiten des Bischofs von Chur, Albert von Klingenberg und Johann von Bodman auf Seiten derer von Vaz fällen unter Obmann Ulrich von Klingenberg einen Spruch über die Anstände des Bistums Chur mit Freiherrn Johann von Vaz betreffend Neu- und Alt-Aspermont, Winegg, Haldenstein, Tomils u. a.

Allen den die disen gegenwürtigen Brief ansehen, oder hörent lesen, künden wir Meister Chvonrat<sup>1</sup> probest ze Sant Johanne, vnd Chorherre ze dem Tvoim<sup>1</sup> ze kostenz, vnd ovch<sup>2</sup> her Marquart von Schellenberg ein Ritter, Schidelüte vmbe solich ansprach, so vns<sup>3</sup> für wart geleit, von vnsers<sup>3</sup> herren / wegen, dez besteten, ze Bischof ze kvr<sup>3</sup>, gegen dem edeln vrigen hern Johannes von vatz, als vns<sup>3</sup> fvr<sup>3</sup> wart geleit von hern johannes wegen, gegen dem vorgehenden Bischof, genemmet, vnd genomen, von dez vorgeschriben Bischofes wegen, mit hern Albrecht von klingenberg, vnd mit hern Johannes / von Bodemen Rittern, die genemt vnd genomen wurden; von dez selben hern Johannes wegen von vatz, also swez vnser<sup>3</sup> drige, ald vnser<sup>3</sup> zwen mit dem gemeinen man, hern volrich<sup>1</sup> von klingenberg, der ze einem gemeinen man, beidenthalb genomen wart, vber ein kemin, oder sprechen, vber die / ansprach dv<sup>3</sup> da fvr<sup>3</sup> wurde geleit daz daz stete solt beliben, vnd man ez solte beidenthalb behalten.

Wir sprechen zemerst<sup>4</sup> . . .

Jch her volrich<sup>1</sup> von klingenberg der vorgehende, gemeiner schidman beidenthalb genomen, gehille den vorgehenden schidlüten, aller der dinge dv<sup>3</sup> an disem briefe hie vor geschriben stant, vnd sprich / ovch<sup>2</sup> daz selbe vnd erteile, als sv<sup>3</sup> gesprochen vnd erteilet hant, als da vor vberal geschriben stat, vnd ze einer vrkunde<sup>5</sup> aller der dinge, dv<sup>3</sup> an disem brief geschriben stant, so haben wir die vorgehenden schidlüte<sup>6</sup>, Meister Chvonrat<sup>1</sup> der probst von Sant Johanne, / vnd Chorherre dez tvomez<sup>1</sup> ze kostenz, vnd ovch<sup>2</sup> her Marquart von Schellenberg, vnd ich der vorgehende her volrich<sup>1</sup> von klingenberg gemeiner schidman als da vor geschriben ist, disen brief besigelt